

Član 29.

(Preuzimanje poslova, opreme, sredstava za rad, arhive, akata, predmeta i druge dokumentacije)

Danom početka rada Agencija preuzima poslove, opremu, sredstva za rad, arhivu, akte, predmete i drugu dokumentaciju kao i druga prava i obaveze Kantonalne agencije za privatizaciju, čiji je pravni sljednik.

Član 30.

(Prestanak važenja ranijeg propisa)

Danom stupanja na snagu ovog zakona prestaje da važi Zakon o Kantonalnoj agenciji za privatizaciju ("Službene novine Kantona Sarajevo", br. 6/97, 7/00 i 19/11).

Član 31.

(Stupanje na snagu)

Ovaj zakon stupa na snagu osmog dana od dana objavljivanja u "Službenim novinama Kantona Sarajevo".

Broj 01-02-19243/22

09. maja 2022. godine

Sarajevo

Predsjedavajući

Skupštine Kantona Sarajevo

Elvedin Okerić, s. r.

Vlada Kantona Sarajevo

Na osnovu člana 26. i 28. stav (1) Zakona o Vladi Kantona Sarajevo ("Službene novine Kantona Sarajevo", broj 36/14 - Novi prečišćeni tekst i 37/14 - Ispravka) i člana 24. Zakona o prijavljivanju i postupku provjere podataka o imovini nosioca javnih funkcija u Kantonu Sarajevo ("Službene novine Kantona Sarajevo", broj 18/19 i 12/22), Vlada Kantona Sarajevo, na 76. sjednici održanoj 28.04.2022. godine, donijela je

UREDBU

O IZMJENAMA UREDBE O USPOSTAVLJANJU I VOĐENJU REGISTRA LIČNIH PODATAKA O IMOVINI I POSTUPKU PROVJERE IMOVINE NOSIOCA JAVNIH FUNKCIJA U KANTONU SARAJEVO

Član 1.

(Izmjena člana 1.)

U Uredbi o uspostavljanju i vođenju Registra ličnih podataka o imovini i postupku provjere imovine nosioca javnih funkcija u Kantonu Sarajevo ("Službene novine Kantona Sarajevo", broj 25/19), član 1. mijenja se i glasi:

"Član 1.

(Predmet)

Ovom uredbom propisuje se način uspostave, sadržaj, oblik i način vođenja Registra podataka o imovini (u daljem tekstu: Registar) nosioca javnih funkcija u Kantonu Sarajevo, prijem prijave podataka o imovini i poklonima nosioca javnih funkcija iz čl. 8., 14., 15. i 17. Zakona o prijavljivanju i postupku provjere podataka o imovini nosioca javnih funkcija u Kantonu Sarajevo ("Službene novine Kantona Sarajevo", broj 18/19 i 12/22) (daljem tekstu: Zakon), način čuvanja i uništavanja podataka, postupak kontrole i provjere podataka o imovini i poklonima, pokretanje prekršajnog postupka, podnošenje prijave nadležnim organima i druga pitanja od značaja za uspostavljanje i vođenje Registra."

Član 2.

(Izmjena člana 4.)

Član 4. mijenja se i glasi:

"Član 4.

(Dosje nosioca javne funkcije)

- (1) Ured za svakog nosioca javne funkcije otvara poseban dosje.
- (2) Dosje sadrži: inicijalnu prijavu (prijavu imovine svih nosioca javnih funkcija u trenutku stupanja na snagu Zakona), prijavu imovine prilikom preuzimanja dužnosti, godišnje prijave, prijave poslije završetka obavljanja javne funkcije ili razrješenja i prijave na zahtjev Ureda.
- (3) Prikupljeni Obrasci prijave imovine i elektronski obrasci evidentiraju se u djelovodniku.
- (4) U djelovodnik se unose broj i datum prijema Obrasca prijave imovine i elektronskog obrasca i lični podaci o nosiocu javne funkcije, i to: ime iprezime, matični broj, prebivalište i/ili boravište."

Član 3.

(Izmjena člana 8.)

U članu 8. stav (1) tačka e) riječ: "kamate" zamjenjuje se riječju: "štednju".

Član 4.

(Izmjena člana 10.)

Član 10. mijenja se i glasi:

"Član 10.

(Način prijave imovine)

- (1) Nosilac javne funkcije prijavu podataka o imovini podnosi Uredu na Obrascu prijave imovine i elektronskom obrascu iz člana 18b. Zakona.
- (2) Oba obrasca dostupna su na internetskoj stranici Ureda (www.anticorruptiks.com).
- (3) Obrazac prijave imovine nakon popunjavanja nosilac javne funkcije svojeručno potpisuje i dostavlja Uredu, neposredno ili preporučenom poštanskom pošiljkom.
- (4) Prijavljivanje imovine na elektronskom obrascu nosilac javne funkcije pokreće podnošenjem zahtjeva Uredu posredstvom aplikacije koja se nalazi na početnoj stranici Informacionog sistema Ureda (www.anticorruptiks.com).
- (5) Nakon podnošenja zahtjeva, nosilac javne funkcije na svoj e-mail dobija pristupnu šifru za pristup elektronskom obrascu.
- (6) Poslije unosa podataka u elektronski obrazac i njihovog pohranjivanja/spremanja nosilac javne funkcije isti štampa, potpisuje i dostavlja Uredu, a podaci o imovini koje je nosilac javne funkcije unio u elektronski obrazac neposredno se objavljuju na internetskoj stranici Ureda.
- (7) Nosilac javne funkcije je, u skladu sa članom 11. stav (2) Zakona, dužan dostaviti Uredu i izjavu da nije pokrenuo nikakve aktivnosti sticanja imovine iz člana 8. Zakona, po završetku javne funkcije po bilo kojem osnovu. Izjava se odnosi na imovinu koju nosilac javne funkcije nije prijavio.
- (8) Izjava iz stava (7) ovog člana dostupna je na internetskoj stranici Ureda.
- (9) Način popunjavanja Obrasca prijave imovine i elektronskog obrasca detaljno će se propisati Uputstvom o načinu popunjavanja Obrasca prijave imovine i elektronskog obrasca iz člana 18b. stav (5) Zakona.

Član 5.

(Izmjena člana 12.)

U članu 12. stav (4) mijenja se i glasi:

"(4) Lica iz st. (1) i (2) ovog člana su dužna da podatke iz Obrascia prijave imovine unesu u Registar u roku od 30 radnih dana od dana prijema Obrazaca.

Član 6.

(Izmjena člana 15.)

U članu 15. stav (1) riječi: "Obrasci tabele" zamjenjuju se riječima: "elektronski obrasci".

Član 7.

(Izmjena člana 19.)

U članu 19. stav (3) mijenja se i glasi:

"(3) Ured je dužan da u toku kalendarske godine izvrši provjeru podataka o imovini i poklonima, izvorima i vrsti prihoda kojim je imovina kupljena za najmanje 100 nosioca javnih funkcija."

Član 8.

(Stupanje na snagu)

Ova uredba stupa na snagu osmog dana od dana objavljivanja u "Službenim novinama Kantona Sarajevo".

Broj 02-04-18014-9/22

28. aprila 2022. godine

Sarajevo

Premijer

Edin Forto, s. r.

Na osnovu člana 26. i 28. stav (1) Zakona o Vladi Kantona Sarajevo ("Službene novine Kantona Sarajevo", broj 36/14 - Novi prečišćeni tekst i 37/14 - Ispravka), a u vezi sa članom 170. alineja 24. Zakona o socijalnoj zaštiti, zaštiti civilnih žrtava rata i zaštiti porodice sa djecom ("Službene novine Kantona Sarajevo", broj 38/14 - Prečišćeni tekst, 38/16, 44/17, 28/18 i 52/21), Vlada Kantona Sarajevo, na 76. sjednici održanoj 28.04.2022. godine, donijela je

UREDBU

O IZMJENAMA UREDBE O PRIZNAVANJU PRAVA NA TOPLI OBROK U JAVNIM KUHINJAMA KANTONA SARAJEVO

Član 1.

(Izmjena člana 4.)

U Uredbi o priznavanju prava na topli obrok u javnim kuhinjama Kantona Sarajevo ("Službene novine Kantona Sarajevo", broj 10/17 i 22/19) u članu 4. u stavu (4) riječi: "ne mogu biti korisnici prava na topli obrok", zamjenjuju se riječima: "korisnici su hrane za djecu do jedne godine života".

Član 2.

(Izmjena člana 13.)

U članu 13. stav (4) tačka a) riječi: "troškovi hljeba i mesa", zamjenjuju se riječima: "troškovi hljeba, mesa, svježeg voća i hrane za djecu do jedne godine života".

Član 3.

(Stupanje na snagu)

Ova uredba stupa na snagu narednog dana od dana objavljivanja u "Službenim novinama Kantona Sarajevo", a primjenjivat će se od 01.07.2022. godine.

Broj 02-04-18014-8/22

28. aprila 2022. godine

Sarajevo

Premijer

Edin Forto, s. r.

Na osnovu člana 26. i 28. stav (2) Zakona o Vladi Kantona Sarajevo ("Službene novine Kantona Sarajevo", broj 36/14 - Novi prečišćeni tekst i 37/14 - Ispravka) i člana 14. stav (3) Zakona o izvršavanju Budžeta Kantona Sarajevo za 2022. godinu ("Službene novine Kantona Sarajevo", broj 5/22), Vlada

Kantona Sarajevo, na 76. sjednici održanoj 28.04.2022. godine, donijela je

ODLUKU

O UNOSU UPLAĆENIH DONACIJA BUDŽETSKIH KORISNIKA U BUDŽET KANTONA SARAJEVO ZA 2022. GODINU

I

Odobrava se unos sredstava (donacije od pravnih lica 733112) u Budžet Kantona Sarajevo za 2022. godinu u iznosu od 500 KM koja su JU OŠ "Hrasno" doznačena od strane BH Telecom dd Sarajevo u skladu sa Odlukom na ime nabavke reklamno-propagandnih usluga.

Sredstva će se evidentirati kako slijedi:

Razdjel	Glava	Potrošačka jedinica	Naziv budžetskog korisnika
21	02	0030	JU OŠ "Hrasno"

na ekonomskom kodu:

Ekon. kod	Subanalitika	Funkcija	Opis	Iznos (u KM)
6139	-	091	Ugovorene i druge posebne usluge	500

II

Odobrava se unos sredstava (donacije od pravnih lica 733112) u Budžet Kantona Sarajevo za 2022. godinu u iznosu od 210 KM koja su JU "Srednja zubotehnička škola" doznačena od strane Sarajevo-osiguranje d.d. u skladu sa Odlukom na ime pomoći za školu.

Sredstva će se evidentirati kako slijedi:

Razdjel	Glava	Potrošačka jedinica	Naziv budžetskog korisnika
21	03	0014	JU "Srednja zubotehnička škola"

na ekonomskom kodu:

Ekon. kod	Subanalitika	Funkcija	Opis	Iznos (u KM)
8213	-	092	Nabavka opreme	210

III

Odobrava se unos sredstava (donacije od pravnih lica 733112) u Budžet Kantona Sarajevo za 2022. godinu u ukupnom iznosu od 1.500 KM koja su JU "Željeznički školski centar Sarajevo" doznačena od strane Džekos d.o.o., Mibral d.o.o. i Asa Šped d.o.o. u skladu sa Odlukama na ime podrške školi za provođenje projekta prezentacije škole "Tvoja nova škola".

Sredstva će se evidentirati kako slijedi:

Razdjel	Glava	Potrošačka jedinica	Naziv budžetskog korisnika
21	03	0022	JU "Željeznički školski centar Sarajevo"

na ekonomskom kodu:

Ekon. kod	Subanalitika	Funkcija	Opis	Iznos (u KM)
6139	-	092	Ugovorene i druge posebne usluge	1.500

IV

Ministarstvo finansija će evidentirati i proknjižiti uplaćena sredstva i izvršiti plaćanje po nalogu resornog ministarstva, te pratiti utrošak istih.

V

Ova odluka stupa na snagu danom donošenja, a objavit će se u "Službenim novinama Kantona Sarajevo".

Broj 02-04-18014-20/22

28. aprila 2022. godine

Sarajevo

Premijer

Edin Forto, s. r.

Na osnovu člana 26. i 28. stav (2) Zakona o Vladi Kantona Sarajevo ("Službene novine Kantona Sarajevo", broj